

Wie de skoен past . . .

Dät is wa-j now numen . . . een mooie surprise. 3 December ... jaowel . . . twee dagen veur de Sunteklaos . . . kump inies een bericht in de media (*en een privé bericht op mien computer*) dät 't olt van de ekapte päppels van de Skellerenkweg (*oftewel de Grune Kathedraal*) die deur de extreme wärmte disse zommer niet ebben aoverlèëft, wörden verwärkt töt klompen.



De firma Binthout, die zich elemaol ef especialiseerd umme stadsolt (*olt van gerooide bomen uut Zwolle*) te verwärken, ef **klompenmakerij Ten Hagen** uut Winterswiek bereid evunnen 't päppelolt van de grune kathedraal töt klompen te maken.

Zunde of niet . . . 't is een feit dät de grune kathedraal mos wörren op-e-offerd veurdät 't *netuurlijk ofweermehanismen van de Canadese populieren* tegen de extreme itte, de takken zollen laoten vallen.





De gemeentelijke grunbe-eerders konnen nixt anders doen umme te veurkommen dat zo'n takke op passerende mensen zol vallen.

Geleuf maer dat döör dan gien elmpien meer elpen.

Elaas e-k 't der alwel ies vakerder aover e-ad . . as ter ienmaol een speciale bekendheid of betekenis an bomen in Zwolle wörren egöven, . . . ku-j der gif op innemmen dat binnen de körste tied de kentterbiele der an te passe kump . . asof zij 't ter umme doen.

- > *Monumentale rooie beuk en een plataan op Potgietersingel - 2012 -*
- > *Sukeresdoorns Vondelkade en kastanje op de Bagijnesingel - 2014 -*
- > *de mooiste boom van Zwolle = rooie beuk van an 't Nahuysplein - 2015 -*
- > *en de mooiste bomenlaan van 2009, de grune kadthedraal, gonk in 2018.*

Goed de bomen bint umme . . 't olt is aof-evoerd en der wörren klompen van emaaht. Maer now kump 't . . . A-j dat zollen willen ku-j disse klompen ook bestellen. Ze wörren dan, *speciaal veur oe*, op maote emaaht en dan ku-j toch nog een keertien op oe mooie **Zwolse-Kathedraalklompen** aover de Skellerenkweg wandelen as eerdbetoon an de nog resterende of-etopte Canadese Päppels, die ier al vanof 1955 staon. Zuuk in dat geval èven op <https://binthout.nl/collections/klompen/products/zwols-populieren-klomp> ier ku-j de klompen bestellen en oe voetmaat/skoenmaat deurgèven.

Dan e-j volgend jöör een mooi stel ni'je klompen van Zwolse baodem, speciaal veur oe emaaht en enummerd. (**wel doen veur 1 jannewaeri 2019 !**)

Dus a-j oe an-espröken veulen . . . *wie de skoen past . . . löp op klompen !*

5 december 2018

